

77 2820 286

JUSTIFICATION
DE
L'ENTREPRISE
SUR LA VILLE
de Poitiers,

*Par ceux de la Religion Preten-
due Réformée.*

8



A. PARIS,
Iouxtela Coppie imprimée à Poitiers,
par Iullian Thoreau, Imprimeur
du Roy en ladite Ville.
M. DC. XX.

102

ms. Acc 83-101/256

INSTITUTION

ENTREPRISE

ST. J. A. VILLE

de l'Industrie

de l'Industrie

de l'Industrie

de l'Industrie

de l'Industrie

de l'Industrie

de l'Industrie

de l'Industrie

de l'Industrie

de l'Industrie

de l'Industrie

de l'Industrie

de l'Industrie

de l'Industrie

de l'Industrie

de l'Industrie

de l'Industrie

de l'Industrie

de l'Industrie



IUSTIFICATION

DE

L'ENTREPRISE

sur la Ville de Poitiers,

PAR CEUX DE LA

Religion Pretendue

Reformée.



E n'est d'a cer-
te heure que la
France a esté
remplie de di-
uerces person-
nes qui ne se
ont delectez qu'à inuenter des

A ij

fauces nouvelles, qui par leurs langues tres-dangereuses, ont fait glisser parmy les Villes & les Peuples d'icelles, des estranges & pernicieuse nouvelles, qui ne tendoient à autre fin, qu'à bailler de l'effroy aux vns, & du pencement aux autres, & quelquefois suscitoient à des seditions & malheureuses fins.

Nature humaine ne sçauroit rien rencontrer de plus pernicious que la langue, instrument de fauces inuentions, detestée iustement en diuers endroists de l'Ecriture Sainte, & notamment par le *Psalmiste Royal* Daud, lequel souhaitte & prie d'en estre deliuré.

Maintenant l'on voit tres-grande quantité de telles sortes de langues parmy le monde, &

particulierement prez de la per-
sonne des grands, qui n'ont au-
tre deduit & contentement qu'à
s'estudier à inuenter des choses
du tout fauces, pour entretenir
ceux à qui ils desirent complai-
re, qui quelquesfois sous le pali-
ment de quelque peu de verité,
qu'ils meslent parmy pour tas-
cher de mieux faire glisser, &
prendre racines aux cœurs des
personnes, font courir des
bruiets, que l'on prend le plus
souuent, pour maximes tres-ve-
ritables.

De telles sortes de person-
nes le Roy Antiochus prioit or-
dinairement tous les Dieux de
le preseruer & garantir des
mains, & des langues de telles
sortes de personnes : disant i'ay
besoing de la protection de tous

les Dieux pour me garantir des embusches de ces faux discou-
 reurs , qui voudroient le plus
 souuent , par leurs faux aduis,
 m'inciter à prendre les armes
 contre mon peuples , & par ce
 moyen mettre de la diuision en-
 tre mes sujets.

Aristote dit des merueilles
 de la Fontaine des Palisques en
 Sicile , Quant ceux qui en ap-
 prochoient pour prester sermēt,
 cy c'estoit la verité de tout ce
 qu'il discouroit , & disoit auoir
 descouuert pour le bien public,
 apres auoir iuré, marquoient en
 des tablettes leur deposition, puis
 apres les auoir bien cachetees, les
 jettoient dans la Fontaine: cy ces
 tablettes contenoient verité, elle
 flottoient sur l'eau: mais s'il y
 auoit du mensonge , elle cou-

loient promptement au fond,
d'où sortoit du feu qui brusloit
& consummoit les Accusateurs.

Que pleut il à Dieu que plusieurs personnes, faux inuenteurs que l'on void parmy la France, fussent interrogez prez d'une pareille Fontaine, & que leurs faux discours estant escripts sur des tablettes, fussent les instruments de leur punition.

Et notamment de ceux, qui pour semer de la diuision, baillent à penser aux peuples, de l'effroy à plusieurs villes de ce Royaume. Ont fait courir vn discours du tout faux d'une entreprise qu'ils disent auoir esté conspi-
rée sur la Ville de Poictiers ces iours passez, par l'intelligence de ceux de la Religion Preréduë Re-
formée, tant de ceux qui sont

residans en ladite Ville , que grand nombre d'autres qui sont en d'autres Villes à l'entour d'icelle, & notamment de l'assemblée de Loudun.

Mesmement que Monsieur le Reuerendissime Euesque de ladite Ville, assisté du Maire, & des six Capitaines & Lieutenans, auoient esté par les maisons de ceux de la Religion Pretendue Reformée, visiter là où ils auoient trouué tres grande quantité d'armes qu'ils auoient receus sous main de la Ville de la Rochelle , pour ayder à l'exécution d'icelle entreprise lesquelles auroit esté saizyes & mise en l'Arсенac & Magasin de ladicte ville, que l'on auoit pris quantité de Prisonniers qui auoit depossé tout le contenu de ce
qui

qui se deuoit passer en icelle entreprise, ce qui est vn tres manifeste mensonge & du tout faux, & ne sçait on que c'est de tout ce que dessus en ladicte ville de Poitiers, sçachant le contraire comme tescmoin Occulaire, & residant iournellement en ladicte ville, de Poitiers & ce qui m'a incité d'en escrire ce petit traicté, ce sont les discours que i'en ay veu semé, & tenir pour chose asseuré en plusieurs Villes de ce Royaume, la ou ie passé depuis vn Mois en ça, pour en oster l'oppinion & la croyance que plusieurs s'entretiennent, & baille de la desolation aux vns & de la crainte aux autres, n'esperant (que si cela estoit) autres choses qu'une guerre espanduës par tout le Royaume de France, qui causeroit la

perte & ruine de plusieurs Provinces, & amortiroit du tout les commerces exercés par les Marchans, és villes.

Le bruiet & les entendu-dire ne sont pas ressorts suffisans, pour faire iouer la verité de la chose qu'il tachet de resprendre par-m'y le monde, veu qu'en ceste-dicte ville il n'y à Habitans à qui vous informant, de ce que vous n'appreniez que ce sont nouuelle du tout fauce, & que ils ne scauent ce que c'est que ce qu'ils apprennent de plusieurs personnes, venant de diuers cartiers de la France, là ou ce maudit & estrange bruiet, est respendu au destruiement & ruine du Public.

Il seroit tres-necessaire de faire recherche de tels semeurs de fauces nouuelles, & les ayant descou-

uerts les exposer pres d'une pareille fontaine que descript Philostrate estre de Thiane qui la red douce & plaisante à boire, à ceux qui disent la verité, mais au contraire, aux inuenteurs de fauces nouvelles, semeurs de seditions, perturbateurs du repos public, pour si peu qu'ils puissent prendre, elle leur moleste tout à l'instant les yeux, les pieds, les mains, & leur arreste sur le champ la lague, cy biẽ qu'ils ne peuuent plus prononcer parole quelconque, vraye ou fauce, leur tache tout le corps d'ulceres, sãs qu'ils ayent la force de bouger de la, ains demeurẽt cõme étraveez de ceps & manottes, ce cõplaignant de leur misere.

Ce pariure & faux inuenteur L'ysader n'a pas eu vne meilleure fin, car estant poursuiuy des iu-

stes iugement de Dieu, pour les enormes inuentions & fauces accusations qu'il semoit, pour animer les peuples à tumulte & seditions, fut par le commandement du Roy (duquel il auoit esté Lieutenant lespasse de plusieurs années) decapité & son corps iecté en la voirye.

Ne meriteroit pas moins de tel suplices & autres ces imposteurs de ceste fauce & mensongere entreprise, qui ne peuuent sans doute fuir les iuste iugemens de Dieu, car telles personnes doyuent estre abominable deuant les Peuples, comme gens qui n'ont autres desir qu'il y ayent du trouble en l'Estat, que des diuisions en vn Royaume, pour trouuer moyen de produire quelque petit vent de trauers pour se ietter

tout à l'instant en la Campagne
pour piller & saccager son voisin

Ce sont Gens à deux visages, à
deux enuers qui portent l'eau
d'une main & le feu de l'autre: pa-
rois blanchies: qui ont le fiel au
cœur, & le miel en la bouche.

Voila quel est la description
de tels semeurs de fauces nouuel-
les, auxquels ils ne faut adiouter
foy quelconques & ne croire ce
que le plus souuent il consoient
en leur folastre cerueau.

FIN.

